

**Жисмоний шахсларнинг муддатли/жамғарма омонатларини очиш,  
юритиш ва ёпишнинг  
УМУМИЙ ҚОИДАЛАРИ**

**1. АТАМАЛАР ВА ТАЪРИФЛАР**

Жисмоний шахсларнинг муддатли/жамғарма омонатларини очиш, юритиш ва ёпишнинг мазкур Умумий шартлари Универсал шартноманинг қисми бўлиб, барча Мижозлар учун намунавий ҳисобланади ва Мижоз ва Банк ўртасида тузиладиган муддатли омонат шартномасининг (кейинги ўринларда "Банк омонати шартномаси") қоидаларини белгилаб беради.

**Омонат** - Банкда жисмоний шахс томонидан миллий ёки хорижий валютада жойлаштирилган пул маблағлари, шу жумладан Банк омонати Шартномасига мувофиқ Банк омонати шартномаси амал қилиши даврида Омонат суммасига қўшимча киритилган ва капитализация қилинган (ўтказилган) фоизлар.

**Омонатчи** - Банк билан Банк омонати шартномасини тузган Мижоз.

**Банк омонати шартномаси** – Ушбу омонат шартларига мувофиқ муддатли/жамғарма Банк омонатини очиш тартиби.

**Қўшимча бадал** - Банк омонати шартномаси ва Банк Тарифларига мувофиқ Омонат очишда унинг дастлабки суммаси киритилгандан кейин Омонатчи томонидан Омонатга киритилувчи пул миқдори.

**Омонатни муддатидан илгари ёпиш** - омонатни Мижоз билан тузилган банк омонати шартномасида кўрсатилган муддатдан илгари ёпилиши.

**Банк курси** - Банк фармойиши билан билан ўрнатилувчи конверсион амалиётни амалга ошириш санасига конверсион амалиётларни амалга ошириш учун қўлланилувчи Банк курси.

**Фоизлар капитализацияси** - омонатнинг асосий суммасига ҳисобланган фоизларни қўшиб ўтказиш, агар бу омонат Шартлари билан кўзда тутилган бўлса.

**Омонатнинг минимал суммаси** - амалдаги Омонат шартларига мувофиқ омонатнинг у ёки бошқа турларини жойлаштириш (очиш) учун зарур бўлган пул маблағларининг минимал суммаси ёки қўшимча бадал(лар)ни амалга ошириш учун зарур бўлган сумма.

**Камайтирилмайдиган қолдиқ** - пул маблағларининг минимал суммаси бўлиб, уни Мижоз омонатнинг бутун Муддати давомида омонатда таъминлаш мажбуриятини ўз зиммасига олади.

**Омонат шартлари** - Банк омонати шартномасининг яқка тартибдаги шартлари/паспорти, уларда қуйидаги шартлар акс эттирилган(жумладан, аммо чекланмаган ҳолда):

- омонат суммаси;
- омонат валютаси;
- омонат муддати;
- омонатни тўлдириш имконияти ва шarti;
- омонатнинг бир валютада киритиш ва Банкнинг Курси бўйича бошқа валютада омонат суммасини ва/ёки фоизларини олиш имконияти;
- омонат бўйича фоизларни тўлаш даврийлиги;
- фоизлар капитализациясининг мавжудлиги/мавжуд эмаслиги;
- Банк омонати шартномаси муддатини узайтириш шартлари;
- Банк омонати шартномасини муддатидан илгари бекор қилиш шартлари;
- бошқа шартлар.

**Муддатни узайтириш** - омонатнинг янги жалб қилиниши санасига омонатнинг ушбу тури бўйича Банкда амал қилувчи омонат Шартларида ўша ёки бошқа муддатга Омонатни узайтириш (агар омонатнинг Муддати яқунланиш санасига омонат Омонатчи томонидан

талаб этилмаган ҳолатда), агар бу омонат шартлари билан кўзда тутилган ҳолатда.

**Жамғарма омонат** - бошланғич омонат суммасига қўшимча маблағларни қўшиш ҳуқуқи билан маълум шартлар ва маълум мақсадларга йўналтириш асосида тўпланувчи Банк филиалидан ёки банкнинг МБХсини қўллаш билан омонат Ҳисобрақамига Мижознинг Ҳисобрақамидан/Картасидан/Ҳамёнидан ўтказмалар ёрдамида жалб қилинувчи Ўзбекистон Республикаси миллий валютасида ёки хорижий валютадаги пул маблағлари, агар бу омонат Шартлари билан кўзда тутилган ҳолатда, жумладан омонат шартлари билан кўзда тутилган шартларда ва тартибларда омонат суммасига қўшиб ҳисобланган фоизлар.

**Омонат муддати** - Банк томонидан белгиланган вақтнинг маълум даври бўлиб, унга Омонатга пул маблағлари жойлаштирилади (кунларда, ойларда, йилларда ифодаланган бўлиши мумкин).

**Муддатли омонат** – Банкнинг филиали орқали ёки Банкнинг МБХсини қўллаш билан омонат Ҳисобрақамига Мижознинг Ҳисобрақамидан/Картасидан/Ҳамёнидан ўтказиш ёрдамида жалб қилинувчи, жумладан, банк омонати Шартномасининг амал қилиш даврида Мижоз томонидан қўшимча киритилган пул маблағлари, агар бу Омонат шартлари, жумладан Омонат Шартлари билан кўзда тутилган шартларда ва тартибда Омонат суммасига қўшиб ҳисобланган фоизлар ҳолатида, Ўзбекистон Республикаси миллий валютасида ёки хорижийвалютадаги пул маблағлари.

**Томонлар** - Банк ва Омонатчи.

**Омонат ҳисобрақами** - Омонат суммаси ҳисобини юритиш учун Банк омонати шартномаси доирасида очилган ҳисобрақам.

**Жисмоний шахслар учун омонат шартлари (Омонат шартлари)** - жисмоний

**Қисман ечиб олиш** - Банк омонати шартномасининг амал қилиш даврида Омонатнинг қисмини Омонатчига қайтариш, агар бу Омонат шартлари билан кўзда тутилган ҳолатларда.

Мазкур Умумий шартларда қўлланилувчи бошқа атамалар ва таърифлар Универсал шартномадаги худди шундай аҳамиятларга эга.

## 2. УМУМИЙ ҚОИДАЛАР

**2.1.** Банк омонати шартномасини ташкил этувчи ҳужжатлар бўлиб (қуйидагилар ҳисобланади:

- Универсал шартнома;
- Банк тарифлари;
- Муддатли/жамғарма омонатни очишга Мижознинг аризаси (мазкур Умумий шартларга 1-сон Шакл);

**2.2.** Банк омонати шартномаси Омонатчи томонидан Банк омонати шартномасини акцепт қилиш ёки Муддатли/жамғарма омонатни очиш тўғрисида ариза бериш йўли билан Омонатчига Омонат ҳисобрақамини очиш (уни очиш учун зарурий ҳужжатларни банк томонидан олиниш шарти билан) ва унга Омонатчининг пул маблағларини ўтказиш йўли билан Банк ва Омонатчи ўртасида тузилади.

**2.3.** Банк омонати шартномасининг шартлари мазкур Умумий шартлар, ҳамда омонат шартномасининг Якка тартибдаги шартлари билан белгилаб берилади.

**2.4.** Омонатчи омонат шартномасининг Якка тартибдаги шартларида кўрсатилган миқдорда, валютада ва жойлаштириш муддатларида пул маблағларини киритади, Банк эса уларни қабул қилиб олади.

**2.5.** Банк омонати шартномасини тузиш учун Мижоз Амалиёт куни давомида Аризани расмийлаштириш пайтига амал қилувчи Омонат Шартларига эга бўлган Банкнинг шакли бўйича тўлдирилган, Банк филиали ёки МБХ орқали Аризани Банкка киритади (мазкур Умумий шартларга 1-сон Шакл). Зарурат туғилганида Мижоз Ариза билан биргаликда Амалдаги қонунчилик ва Банк томонидан ўрнатилган талабларга мувофиқ Шартнома тузиш учун зарур бўлган ҳужжатларни юборади. Мижознинг Аризаси Банк томонидан акцептидан кейин Шартноматузилган ҳисобланади. Банк акцепти бўлиб омонат ҳисобрақамини очиш ва муддатли/жамғарма омонат Ҳисобрақамига Омонатнинг тўлиқ суммасини ҳисобрақамга қўшиш ҳисобланади.

**2.6.** Омонат шартномасини тузиш ҳолатида Мижоз томонидан тўлдирилган ва имзоланган (МБХда акцептланган) Ариза Шартноманинг ажралмас қисми ҳисобланади ва мазкур Умумий шартларда тавсифланган Шартноманинг умумий шартлари билан Мижознинг тўлиқ ва сўзсиз розилигини тасдиқлайди, ҳамда Мижоз Аризани киритиш вақтида Омонат шартлари билан танишиб чиққанлигини ва розилигини тасдиқлайди.

**2.7.** Банк филиалида қўшимча бадални амалга ошириш, Қисман ечиб олиш ёки омонатни муддатидан олдин ёпиш учун, Омонатдан/Омонатга пул маблағларини қўшиш/ечиб олиш ҳақида Мижознинг топшириқномаси ва агар бу омонат Шартлари билан келишиб олинган ҳолатда бошқа маълумотларни киритади.

**2.8.** Аризаларнинг нусхалари Омонатчининг МБХ шахсий кабинетларида сақланади.

**2.9.** Мижознинг Аризасига асосан Банк Мижоз номига Омонат ҳисобрақамини очади ва Омонат ҳисобрақамига ўтказилган пул маблағларини қўшиб ўтказиши. Муддатли/жамғарма омонат Ҳисобрақамини очилиши Банк филиали ёки МБХ орқали амалга оширилади.

**2.10.** Муддатли/жамғарма депозит ҳисобварағи, Омонатни очиш жараёнида қайси валютада пул маблағлари муддатли/жамғарма депозит ҳисобварағига киритилган бўлса, ушбу валютада очилади.

**2.11.** Банк Мижоз томонидан Ариза киритилишида Мижоз томонидан кўрсатилган омонат Шартномасининг Омонат шартларида ва Якка тартибдаги шартларда пул маблағларини Мижоздан қабул қилиб олади, ва Шартнома билан кўзда тутилган шартларда ва тартибда Омонат суммасини қайтариш ва фоизларни тўлаш мажбуриятини олади.

**2.12.** Ўзбекистон Республикаси Фуқаролик кодексининг 764-моддасига мувофиқ, Банк омонати суммасига фоизлар омонат Банкка тушган куннинг эртасидан бошлаб, то у Мижозга қайтарилган ёки бошқа асосларга кўра Мижознинг ҳисобрақамидан ўчирилган кундан олдинги кунгача ёзилади.

Фоизлар ҳар бир куннинг бошига Омонат ҳисобрақамида ҳисобга олинган пул маблағларининг қолдиғига ҳисобланади. Фоизларни ҳисоблашда бир йилдаги календар кунларининг ҳақиқий сони база қилиб олинади (мувофиқ тарзда 365 ёки 366 кун).

Агар фоизларни тўлаш санаси ишланмайдиган кунга тўғри келса, у ҳолда Омонат бўйича фоизларни тўланиши ундан кейин келувчи яқин банк иш кунини амалга оширилади. Агар тегишли сана йўқ бўлган шундай ойга фоизларни тўлаш санаси тўғри келса, Омонат бўйича фоизлар тўлови ҳисоб-китоб ойлик даврга кирувчи шундай ойнинг олдинги охириги банк иш кунини амалга оширилади.

**2.13.** Омонат суммасининг Омонатчи томонидан кўпайтирилиши, агар бошқа шартлар омонат Шартномасида кўзда тутилмаган бўлса, чекланмаган миқдорда пул маблағларини Омонат валютасида киритиш орқали амалга оширилади, бунда фоизлар Банкдаги омонат Ҳисобрақамига пул маблағлари кирим қилинган куннинг эртасидан бошлаб муддатли/жамғарма депозит ҳисобрақамидаги 20606/20406 Омонат қолдиғининг ҳақиқий суммасига ҳисобланади.

**2.14.** Қонунчилик билан кўзда тутилган тартибда омонат Ҳисобрақами / пул маблағларига таъқиқ қўйилган ҳолатда, омонат бўйича фоизлар ҳисоблаш таъқиқ олиб ташлангунча бўлган пайтгача тўхтатилади.

**2.15.** Омонатчи омонат Муддати яқунланиши бўйича Омонат суммасини қайтарилишини талаб қилмаган ҳолатда, Омонат суммаси Омонатчининг 20606/20406 "Жисмоний шахсларнинг Муддатли/Жамғарма депозитлари" ҳисобрақамидан Шартномага мувофиқ Мижознинг 20206 "Жисмоний шахсларнинг талаб қилиб олингунча депозитлари" ҳисобрақамига ёки 22618 "Жисмоний шахсларнинг банк карталар бўйича мажбуриятлари", ёки 22616 "Масофавий хизмат кўрсатиш тизими орқали бошқарилувчи жисмоний шахсларнинг банк ҳисобрақамларидаги маблағлар" ҳисобрақамига ўтказилади.

**2.16.** Шартнома муносабати билан Мижозга очилган 20606/20406 ҳисобрақам, Омонат муддати яқунланиши ва/ёки Шартномани бекор қилинишида ёпилади.

**2.17.** Банк томонидан Омонатга қабул қилинган пул маблағларини қайтарилиши Ўзбекистон Республикасининг "Фуқароларнинг банклардаги омонатларини ҳимоялаш кафолатлари тўғрисида"ги Қонунга мувофиқ Ўзбекистон Республикаси Фуқароларнинг банклардаги омонатларини кафолатлаш фонди томонидан кафолатланади.

**2.18.** Банк омонати шартномаси қуйидаги ҳолатларда бекор қилинган ҳисобланади:

– қонунчилик билан ўрнатилган тартибда суд ёки давлат органлари томонидан омонат суммасини ёки унинг қисмини камайтириш (олиб қўйиш, ундириш ва шунга ўхшаш);

– Омонат шартномасининг амал қилиш муддати яқунланишигача омонат суммасини қисми Омонатчи томонидан талаб этилиши, агар Омонат шартлари билан бошқа қоида кўзда тутилмаган ҳолатда.

Ушбу ҳолатда фоизларнинг тўланиши Омонатни муддатидан олдин талаб қилиш тартиби ва шартларида амалга оширилади.

**2.19.** Банк Мижознинг талаби бўйича, унинг Банкни МБХ ёрдамида Аутентификация маълумотларини қўллаш билан мурожаат қилишида, Мижозга омонат жойлаштирилишини тасдиқловчи омонат Ҳисобрақами бўйича кўчирмани тақдим қилади.

**2.20.** Омонат Мижоз томонидан Банкка Банкда олинadиган кредитлар/қарзлар бўйича гаров таъминоти сифатида тақдим этилиши мумкин.

**2.21.** Мазкур Умумий шартларга мувофиқ очилган омонат Ҳисобрақамига пул маблағларининг Банк томонидан хато ўтказилиши ҳолатида, ҳамда пул маблағларини хато ўтказишда, Омонатчи хато ўтказилган суммалар миқдоридан пул маблағларини омонат Ҳисобрақамидан Омонатчининг қўшимча розилигисиз ечиб олиш ҳуқуқини банкка тақдим этади ва ўз розилигини беради (олдиндан берилган акцепт). Омонат Ҳисобрақамидан пул маблағларини қисман чиқарилишига кўрсатиб ўтилган ҳолатларда йўл қўйилади.

**2.22.** Ўзбекистон Республикаси Марказий банки томонидан қайта молиялаш ставкаси пасайтирилганда, банк томонидан Ўзбекистон Республикаси Марказий банки мақсадларига кўра иқтисодий меъёрларга риоя қилинмаган ёки Шартноманинг амал қилиш муддати давомида бошқа вазиятлар вужулга келган тақдирда, Банк омонат бўйича фоиз ставкасини пасайтириш таклифи билан Омонатга мурожаат қилиш ҳуқуқига эга.

Агар банк омонатчининг омонат бўйича фоиз ставкасини пасайтириш тўғрисидаги таклифни рад этишини олган бўлса ёки ёзма таклиф юборилган кундан етти кун ичида жавоб олмаса, Банк Омонатчига Шартномани бекор қилиш тўғрисида билдиришнома юбориш орқали муддатли/жамғарма омонати шартномасини муддатидан илгари бекор қилишга ҳақли. Муддатли депозит/жамғарма омонати шартномасини бекор қилиш тўғрисида ёзма хабар юборилган кундан бошлаб етти кун ичида Шартнома бекор қилинган ҳисобланади.

**2.23.** Омонатчи Банк томонидан таклиф етилаётган Омонат турини мустақил танлайди, уни Банк филиалида ёки Мобил илова орқали очиши мумкин.

**2.24.** Омонатчи Банкдаги барча жорий омонатларнинг шартлари ва шартлари билан ҳамма учун очиқ жойда жойлаштирилган ёки Банкнинг [www.ipotekabank.uz](http://www.ipotekabank.uz) веб-сайтида танишиши мумкин.

### **3. ТОМОНЛАРНИНГ ҲУҚУҚ ВА МАЖБУРИЯТЛАРИ**

#### **3.1. "Банк" қуйидаги мажбуриятларга эга:**

– Банк филиал ива МБХ орқали омонат Шартларини Мижозга тақдим этиш;  
– Мижозга муддатли/жамғарма омонат шартларини батафсил тушунтириш;  
– Мижоздан МБХ орқали омонатни очиш Аризасида (1-сон Шакл) кўрсатилган суммада пул маблағларини қабул қилиши ва уларни Мижознинг 20606/20406 "Жисмоний шахсларнинг муддатли/жамғарма депозитлари" депозит ҳисобрақамига қўшиб ўтказиши;  
– Омонат шартларига мувофиқ фоизларни қўшиб ҳисоблаш ва тўлаш;  
– Омонат муддати яқунланиши бўйича омонат Шартларига мувофиқ Омонат суммасини қайтариш.

#### **3.2. Омонатчи қуйидаги ҳуқуқларга эга:**

– Амалдаги қонунчиликка мувофиқ Омонатларни идора қилиш;  
– Омонат ҳисобварағига пул маблағлари қабул қилинганидан ва ўтказилганидан сўнг белгиланган тартибда расмийлаштирилган ҳужжатни олиш;  
– Омонат амалиётлари тўғрисида маълумотни СМС-хабарлар, Банкнинг мобил иловаси, шунингдек, Банкнинг расмий [www.ipotekabank.uz](http://www.ipotekabank.uz) веб-сайтида жойлаштирилган

шахсий кабинети орқали олиш;

– Ўзбекистон Республикаси Фуқаролик кодексини 762-моддасига мувофиқ Омонатчи Омонатнинг ёки унинг қисмини муддатидан олдин қайтарилишини талаб этиш ҳуқуқига эга.

### **3.3. Омонатчи қуйидаги мажбуриятларни олади:**

- Омонат шартлари ва умумий шартлар билан танишиб чиқиш;
- Омонат Шартномасини имзолаш кунда Банкка пул маблағларини киритиш/ўтказиш шартларига риоя қилган ҳолда омонатни очишга Аризада кўрсатилган миқдорда пул маблағларини муддатли/жамғарма омонатга киритиш/ўтказиш;
- Шунингдек, «Жисмоний шахсларга масофавий молиявий хизматлар кўрсатишда ахборот ва киберхавфсизликни таъминлаш ҳамда фирибгарлик ҳолатларининг олдини олиш бўйича минимал талаблар тўғрисида»ги Низомга (2026 йил 21 январь, №3759) мувофиқ, Омонатчи қуйидагиларга мажбур:
  - Банк томонидан ҳар қандай назарда тутилган алоқа каналлари орқали юбориладиган барча хабарлар билан, жумладан, лекин улар билан чекланмаган ҳолда мобил иловадаги билдиришномалар, SMS-хабарлар ва PUSH-билдиришномалар билан тегишли тарзда ва ўз вақтида танишиб бориш.
  - Банк маҳсулотлари ва/ёки хизматларига кириш амалга ошириладиган қурилма йўқолган тақдирда ёки учинчи шахслар томонидан бундай қурилмага кириш ёки назорат қўлга киритилган тақдирда, дарҳол, бироқ ҳар қандай ҳолатда ҳам ушбу ҳолатлар аниқланган пайтдан бошлаб бир иш кунидан кечиктирмай бу ҳақда Банкни хабардор қилиш.
  - Омонатчи розилигисиз амалга оширилган ҳар қандай операциялар, жумладан учинчи шахслар томонидан Омонатчи топшириғисиз ва/ёки унинг ихтиёрий розилигисиз амалга оширилган операциялар аниқланган тақдирда, дарҳол, бироқ ҳар қандай ҳолатда ҳам аниқланган пайтдан бошлаб бир иш кунидан кечиктирмай Банкни хабардор қилиш, шунингдек Банк талаби бўйича бундай операцияларга оид ўзида мавжуд барча ишончли маълумотлар ва ҳужжатларни тақдим этиш.  
Банк сўровига кўра тегишли операция Омонатчи томонидан шахсан амалга оширилганми ёки учинчи шахс томонидан Омонатчи топшириғи асосида ёхуд унинг ихтиёрий розилиги билан амалга оширилганлиги тўғрисида ишончли маълумот тақдим этиш.
  - Ўз ҳисоб маълумотлари, аутентификация воситалари ва/ёки Банк маҳсулотлари (хизматлари)дан фойдаланиш билан боғлиқ бўлган фирибгарлик ва/ёки шубҳали ҳаракатлар юзасидан ўзига маълум бўлган барча ҳолатлар ҳақида дарҳол Банкни хабардор қилиш, шунингдек бундай ҳолатларга оид ўзида мавжуд барча ишончли маълумотлар ва ҳужжатларни Банкка тақдим этиш.
  - Омонатчи, Омонатчи вакили, бенефициар мулкдор тўғрисидаги маълумотлар ўзгарган тақдирда (шахсни тасдиқловчи ҳужжат маълумотлари, уни алмаштириш ҳолатлари, шунингдек яшаш жойи бўйича рўйхатдан ўтиш маълумотлари, телефон рақамлари, жумладан мобил телефон рақами, факслар, электрон (почта) манзили ва бошқа маълумотлар ўзгарганда), ушбу ўзгаришлар содир бўлган санадан бошлаб 3 (уч) календарь кун ичида Банкнинг Контакт маркази орқали Банкни хабардор қилиш.

## **4. ТОМОНЛАРНИНГ ЖАВОБГАРЛИГИ**

**4.1.** Шартнома бўйича Томонларнинг ўз мажбуриятларини бажармаганлик ёки тегишли бўлмаган равишда бажариш учун, Шартноманинг шартларини бузган томон Универсал шартнома ва Амалдаги қонунчилик билан ўрнатилган тартибда жавобгарликни ўз зиммасига олади.

**4.2.** Томонлар шартнома бўйича мажбуриятларни тўлиқ ёки қисман бажармаслиги учун, агар тегишли равишда бажариш энгиб бўлмас куч ҳолатлари оқибатида имконсиз бўлиб қолганида жавобгарликдан озод этилади, яъни ҳолатларнинг ушбу шароитларида фавқулодда ва олдини олиб бўлмайдиган, табиий шароитлар сабабли, Ўзбекистон Республикаси давлат органлари қарорлари асосида мажбуриятларни бажарилишини муддатини узайтириш (мораторий) сабабли, тегишли муносабатларни тартиблаштирувчи

қонун ёки бошқа ҳужжатнинг амал қилишини тўхтатилганлиги сабабли.

## **5. БОШҚА ШАРТЛАР**

**5.1.** Мазкур Шартнома ёки унинг муносабати билан юзага келиши мумкин бўлган ёки юзага келган, жумладан уни тузиш, ўзгартириш, бажариш, бузиш, бекор қилиш, тўхтатиш, ҳақиқий эмаслиги ёки тузилмаганлигига (тўлиқ ва/ёки қисман) тегишли бўлган барча низолар, келишмовчиликлар, талаблар ёки шикоятлар Универсал шартнома билан ўрнатилган тартибда ҳал этилиши керак.

**5.2.** Шартнома шартларига қўшимчалар киритиш ва/ёки уларни ўзгартириш тегишли Аризани киритиш йўли билан Томонларнинг розилиги бўйича амалга оширилади, мазкур Шартноманинг 5.3-банди бундан мустасно.

**5.3.** Банк томонидан ўзининг юридик ёки почта манзили, банк реквизитлари ва фирма номланиши ўзгартирилиши ҳолатида, Банк Омонатчини Банк сайтида, оммавий ахборот воситалари ва/ёки Банкнинг танлови бўйича ҳар қандай исталган усулда тегишли эълонни жойлаштириш йўли билан хабардор қилади.

**5.4.** Мазкур Умумий шартлар билан кўзда тутилмаган барчасида, томонлар Универсал шартнома ва Амалдаги қонунчилик қоидалари билан раҳбарлик қилади.

**5.5.** Мазкур билан Омонатчи Банк омонати шартномасини тузиш пайтига мазкур Умумий шартлар, омонат шартлари, Банк Тарифлари билан танишиб чиққанлигини ва рози эканлигини тасдиқлайди.

**3-Иловага 1-Шакл Талаб қилиб олингунча депозитларни  
очиш, юритиш ва ёпишнинг умумий қоидалари**

Fuqaro: \_\_\_\_\_  
Yashash manzili: \_\_\_\_\_  
Pasport ma'lumotlari: \_\_\_\_\_

**ARIZA**

Menga \_\_\_\_\_ nomli omonat hisobvaraқ ochishingizni shuningdek, ushbu omonat hisobvarag'idagi mablag'lar bo'yicha barcha amaliyotlar haqida ma'lumot olish uchun (\_\_\_\_) \_\_\_\_\_ raqamiga SMS-xabarnoma xizmatini ulab qo'yilishini hamda mazkur hisobvaraқqa pul mablag'ni kirim qilishingizni so'rayman.



“Ipoteka-bank” ATIBga omonat qo'yish uchun men roziman va Universal shartnoma shartlari bilan tanishdim/o'qib chiqdim va ularni qabul qildim. Ushbu hujjatni imzolash orqali men Universal shartnoma shartlari bilan tanishganimni va ularga to'liq rozi ekanligimni tasdiqlayman.

Sana

(F.I.SH)

(imzo)

**OMONAT TO'G'RISIDAGI MA'LUMOTLAR**

**HISOBVARAQ HAQIDA MA'LUMOT**

**Bo'linma:** \_\_\_\_\_

**Hisob raqami:** \_\_\_\_\_

**Omonatni ochish miqdori:** \_\_\_\_\_

**So`mdagi ekvivalenti:** \_\_\_\_\_

**Omonat muddati:** \_\_\_\_\_

**OMONAT HAQIDA MA'LUMOT**

**Omonatning saqlash muddati:** \_\_\_\_\_

**Hisob raqami:** \_\_\_\_\_

**Yillik foiz stavkasi:** \_\_\_\_\_

**Eng kam miqdori:** \_\_\_\_\_

**Qo'shimcha mablag'lar qo'yish imkoniyati mavjudligi:** \_\_\_\_\_

**Hisoblangan foizlarni mijoz hisobvarag'iga o'tkazish:** \_\_\_\_\_

**BANK BELGISI**

Operator-kassir

(F.I.Sh)

(imzo)

*Mazkur hujjat Bank qoidalarida va bank amaliyotida qo'llaniladigan ish muomalasi odatlarida bunday hujjat uchun nazarda tutilgan talablarga javob beradigan hujjat hisoblanadi hamda O'zbekiston Respublikasi Fuqarolik kodeksining 761-moddasi ikkinchi qismiga asosan taqdim qilinadi.*

*Masofaviy bank xizmat ko'rsatish kanallari va SMS-xabarnoma xizmati yordamida hisobraqam bo'yicha barcha ma'lumotlarni olishga rozilik bildiraman. Masofaviy bank xizmat ko'rsatish kanallari va SMS-xabarnoma xizmati orqali omonat hisobraqami ochilganligi bilan tanishib chiqish majburiyatini olaman.*

Sana

(F.I.SH)

(imzo)